

随

園

全

集

詩
集

小倉山房詩集卷二十七 辛丑

錢唐袁枚子才

遣興雜詩



老妻怕我開書卷一卷書開百事忘手把陳編如中酒今人枉替古人忙 新年無計慰

衰翁春日尋春小苑中拜領東皇無別物綠梅花上過來風 小步閒拖六尺藤空山來

往健於僧栽花忙處兒呼飯夜讀深時妾屏燈 抹月批風意自如有時此老亦拘拘懽

場獨靜因除酒閒裏生忙爲著書 休焚沉篤防花妬且住笙歌讓鳥吟開卷古人都在

目閉門晴雨不關心 枕上推敲忘夜長苦吟人與睡相妨無端窗外風濤急生恐蛟龍

走上牀 歲月堂堂秋復春山花山草逐時新有時獨坐還自笑回憶少年如古人

牽車圖

許滄亭觀察繪圖將一家人物器用盡置車上主人負長繩曳之而走有持鞭者暗
中咎督蓋亦借圖醒世之意

全家置一車主人牽以走車中坐妻孥車旁立僕婦車頭載尊疊車尾曳箕帚更有暗中神
持鞭督其後雖休勿能休自辰直至酉日暮途窮時精神難抖擻猶有眷戀心一步一回首
試問牽車人何如車上狗狗態尙安閒汝身能逸否但願繩忽斷牽覆車中酒或者醉糟中
一笑且放手

遊蘇州得五律六首

風花三月半我駐虎邱車娛老常攜妾消閒更帶書上山筇竹健攔笛水窗虛借寓誰家宅

樊川杜牧居周開

遠訪支硎寺輿夫識我不轉輪高殿活洗鉢小池幽香火諸天盛凡

心一拜休觀音無別樂受盡美人頭

小立三叉路輕衫忍薄寒萬峯初過雨一客獨憑

欄柳葉成陰易花枝出色難額羅如許仄應作服妖看

近日蘇州女子抹額不滿半寸

聽雪寒山下亭

臺入畫圖樹深禽語亂雨久瀑聲轟曲折雲廊轉高低石磴鋪女兒多半怯伸手索娘扶

靈巖渺天半形勝稱堯宮玉殿松雲色金鈴寶塔風太湖來掌上飛鳥去烟中歸讀瀧岡

表榮華想畢公

秋帆中丞祖塋在山之側

吾宗有賢者卜宅古楓橋愛詠小園賦時將大阮招書香

同萬卷酒量讓三蕉且學堂前燕年年宿一宵

謂漁洲

贈吳孝侯

延陵家世小仙風卜築秦淮古巷東杖履自稱黃髮叟丹青愛寫白猿公五侯門第裾常曳

一笛梅花曲未終我得君爲方外友溪山不復訪盧鴻

吳以畫猴得名故有第四句

供芍藥數十枝終日對花獨坐

我甯負人不負花花開時節常歸家今年出門語芍藥留花待我歸來夸果然歸時花正盛
烝紅爛紫騰雲霞折花卅枝膽瓶供高低位置圍屏遮照影遠安琉璃鏡護風近障輕容紗
雪裳爭舞月殿女香珮盡解吳宮娃華鬢之天化人國神魂雖蕩思母邪人生長得對花坐
比拖金紫誰爲佳況我衰年急行樂看春生怕斜陽斜此樂豈可使卿共爲花辭客客休嗟
譬如桓子受女樂不朝三日何妨耶

覺老

行時鄭獨坐膏騰自覺今年老不勝藏物怕忘憑筆記看山雖好讓人登宵眠不待更三點

晝食曾無粟半升大槩衰翁何所似春來殘雪曉來燈

送史堦偕鵬姑還溧陽

我年如堦小簪筆明光宮特奉 天子詔學于文靖公公方作冢宰絳帳開春風月課諸詞臣命擬疏一通我時習翻譯技癢獻雕蟲公大加擊節逢人夸終童從此許升堂執經相追從三朝問文獻六部談兵農至今心胸間昭然如發蒙其時少司馬恩蔭官郎中每于鯉庭趨得親公子容長安一爲別山左重相逢命作治河記南衙酣金鍾迢迢三十年雲泥隔數重忽然蹇修來欲以婚姻通公卿能下士此意古人同卿雲照小草女蘿附蒼松齊大不敢辭楚國遂乘龍今年二月春館甥倉山東芳蘭如解意花開並頭紅江梅亦相賀萬朶香雲濃堦貌旣美好堦性尤明聰勉旃繩祖武勛業垂隆隆當年門弟子此日孫婦翁先師如有知九原笑未終 鵬姑貌中下天資頗和柔媿媿七歲時脫口詠睢鳩字學衛夫人揮毫作撇勾書讀宣文君音義相咨諏將笄失所恃于爺更綢繆脂粉放妝臺縹緗堆兩頭我欲考奇字命渠字書求我欲聞異聞喚渠齊諧搜徵典代祭獮分韻替拈圖公然女記室風雅冠士流一朝嫁公子江上掉蘭舟蕭蕭白髮翁觸目生離愁丁甯復丁甯辟咄不能休善承公姥意好偕娣姒遊相府作羹湯敬慎毋愆尤藏我數行字當作奩贈收揮我衰年淚當作珠璣投堦也誦余詩謂其是也不

碧紗幮

三丈吹綸障熱風詩隨人住碧紗籠青蠅白鳥遠相看奈此蕭然白髮翁

病中戲作

我不願來而忽來我不願去而忽去不知來自何方去從何處此中自有真消息天不能言
我代說只等盤古老翁依舊活我來尋我自然得

衰年雜詠

支硎山下看花還又看眞州競渡船行樂不教遲一刻光陰知是夕陽天
作字燈前點

畫粗登樓漸漸要人扶殘牙好似聊城將獨守空城隊已無
長短衣裳闊狹冠卅年變

換太無端幸虧守定當初式古樣重當時樣看
泮水風光闌苑春記來事事總銷魂妙

人那得來優孟把我平生演一番
同榜同官屈指稀門生門下又孫枝三朝舊事填胸

滿獨立斜陽說與誰
結習由來掃未除一燈猶自課三餘隨抄隨摘隨忘記偏記兒時

讀過書
半刻清談覺氣差未行三步想呼車空留兩隻婆婆婆眼貪看人間霧裏花

三尺遺書檻下藏半生甘苦最親嘗名山事業憑誰付學識之無七歲郎

眞州竹枝詞

流過揚州水便清鹽船竿簇晚霞明江聲漸遠市聲近小小繁華一郡城
誰家結構好

樓臺水榭雲廊幾處開底事銅魚管風月終年不見主人來
都天會起賽神忙兒女沿

隄盡點香絕似嫦娥頒令甲一齊月色著衣裳
最好城河水二分開窗終日鳥聲聞參

天兩岸樹陰合中有人家住綠雲
一過清明玉笛飄釵光鬢影上輕舸只須守住東關

落花去花來早晚潮
板橋宛轉采虹垂沙淺潮平艇過遲郎忽相逢妾難避大家都是

落篷時
連朝分付小篙工隨意閒遊但聽風難得吟聲花外落水牕圍坐幾詩翁
正謂吳民

何必桃源放槳行此中仙景足幽清何時小構三間屋閒倚雕闌過一生

自嘲三絕

官量原如酒量千杯半盞殊科我是人間小戶十年官已嫌多

飲酒樽蒲度曲人生遭

興三條我竟一齊不解公然樂過終朝

遊戲貴人席上支吾年少場中賴是天機活潑

不然誰理衰翁

新涼

人皆愁久暑我却怕新涼味似官初罷情疑寵不常晨昏難適體衣服屢開箱安得彈琴客
先教奏履霜

曹子建有感婚賦余倣之作感婚詩寄省堂

隨園山人事事早只有兒生年已老省堂孫曾繁且滋垂老偏添一女兒兩人老筆將母同
我戲盡作親家公省堂未諾顏先笑道有奇緣爲子告當年鳴笳六詔天閨中慘喪鴻妻賢
正逢遺挂驚心日那有鸞膠再續絃門外蕭蕭馬戾止一老來修相見禮身佩囊韃道姓殷
家有初笄未嫁女願充側室戴香纓長捧盤匱侍君子我急搖手謝不遑請翁觀我鬢邊霜
已經老圃橫秋色忍把桃花種夕陽殷翁心事從頭說家本金陵舊黃籍少走滇南長百夫
漸置田廬歸不得公能攜女到江南好替家鄉留一脈我感翁言許迎娶東風吹起沾泥絮
一夕金鑾產白家四年玉鏡思溫壻今朝與子結天親殷翁見解信通神果然此老嬉遊處
安置他家女外孫萬里合教青鳥使一函先報白頭人客冬臘雪紅燈映剪刀遽作巾箱聘
秦晉絲蘿兩處遼劉盧仙籍三生定新春園柳叫睢鳩高固雙雙到此遊嬌娃抱出珠同耀
阿嬾同來花見羞人間似此婚姻樣一笑都將媒妁忘要知萬事總由天半是因緣半福量

君不見陵川集裏有長歌天賜夫人作宰相

彭芝亭大司馬八十索詩

畫錦堂開八秩樽卿雲光采耀吳門人間元老三朝少海內靈光一殿尊玉尺已裁寰宇編

金針還與故鄉論

時學教蘇州

文昌雜錄科名記首說鰲頭兩祖孫

康熙公祖定求

領袖清華五

十霜文人中有郭汾陽曾官樞密威常在再宴瓊林話正長屈指東南誰伯仲滿朝金紫半

門牆乞歸更荷君恩重許住平泉水竹莊

尙書風貌鶴同清瀟灑何曾似六卿樓起

三層雲對坐集成一品世孤行仙郎已擅朝中貴佛子還從膝下生

四公子尺水進士好佛

佇看蟠桃

親手採家風真不愧彭鏗

鰥生弱冠受恩知也復蕭蕭兩鬢絲冒雨常迎嚴武駕憐才

屢和樂天詩只因路隔江波遠未免籌添海屋遲蒲柳倘同松柏茂他年扶杖祝期頤

丁丑二月

公遊隨園遇雨

謝錢觀察三伏日賜冬醃菜

當暑難求饕餮鮮金鹽玉豉話空傳黃芽忽嚼三冬雪赤日全消六月天物是過時纔見貴

口因同嗜轉相憐多公冷處留餘味那用何曾食萬錢

和竹西公子歸鶴詩

老鶴飛歸月二更滿園花作故人迎不愁羽客去無主但覺雲仙來有情小步池塘尋舊伴

重看軒蓋似前生憑欄聽得家僮報頂上丹砂色倍明

肯把滄桑說是非乘風還舞釣

魚磯雲霄志在終須去館穀恩深敢不歸暫別梅花心耿耿仍逢雛鳳話依依遙知一品衣

戎後更向君家身上飛

惆悵詞邀淮樹觀察同作

三月姑蘇花下行天桃一樹最關情如何欲折不曾折空惹黃鸝啼數聲
畫堂小家生長大家妝惜春御史忘春老盼殺驚鴻下夕陽
本欠風流試看夜半聽琴客嫁得相如便白頭
人好似瑤池果一落風前鳥便含
莫惱遊蜂樓上遊蘂砧原
空把琅函問再三迢迢秋水隔江南佳
記得人扶出

祝史抑堂少司馬七十

一片卿雲耀里閭方瞳綠鬢七旬初蕭曹世胄雖恩蔭韓范平生早讀書九月黃花香晚節
十年司馬賦閒居旁人爭把神仙比我覺神仙尚不如
欲把忠勳寫上詩蓋臣風采略

聞知治河邵父碑長在決獄秦臺鏡不疲閩粵蔡臺無裨政潮陽韓愈有生祠至今誰把廉
泉飲合浦明珠有所思
卜築平泉月一齋竟將鐘鼎換樓臺許歸
恩比加官重行樂

身能及健回愛寫黃庭將墨試閒聽仙鶴報花開
直公臨聖教序
盈盈湛露宮袍滿新自鈞天
賜宴來
鸞鳳分明時絳霄絲蘿偏喜結蓬蒿想因孔李通家厚忘却崔盧舊族高鬢

影牕前多玉女書聲膝下盡雲璈遙知一盞麻姑酒紅徧綏山萬樹桃

置棹

我有一朽在何必形骸謀但聞置棹語傳自古諸侯預凶雖非禮藉幹終無憂友自西蜀來
贈我欄柎木其大可蔽牛其堅可比玉筮月得閨五命彼匠慶斲創爲四阿形賦成六合體
斑斑狸首文鬱鬱異香起匹如華屋成未住心先喜屋成人所同一過如飄風棹成惟我獨
偃然臥其中大哉此居乎歷劫恐未終想其蟠蒼穹豈肯入黃土奈爲賢者屈與我共千古

且當女手卷摩挲日三五

題羅兩峯畫丁敬身像

古極龍泓像

號龍泓居士

描來影欲飛看碑伸鶴頸拄杖坐苔磯世外隱君子人間大布衣似尋

科斗字倉頡廟中歸

題兩峯鬼趣圖

我纂鬼怪書號稱子不語見君畫鬼圖方知鬼如許得此趣者誰其惟吾與汝
畫女必
須美不美情不生畫鬼必須醜不醜人不驚美醜相輪回造化即丹青
鬼死化為鸞鵲
鳴國中在君盍兼畫之比鬼更當怪君曰姑徐徐尙隔兩重界

和辛楣少詹詠物二首

圓几

彎環月樣几橫陳置酒應招看月人讓處不知誰首席坐時只覺可添賓
天星合璧書稱瑞
粉蝶成團影亦春悟得轉圓行智意朱門蓬戶好安身

煖炕

誰把春臺作睡鄉烏曹磚上不知霜恍疑故國眠焦土尙記新婚坐煖床
夢惹敬兒通體熱
熏宜苟令幾重香燕姬也像唐花樣烘出精神覺勝常

再詠前題索辛楣和

圓几

禪門說法重圓光巧匠偷來制器良折角定煩修月斧供花合獻轉輪王
卿如戴笠來相稱

我愛團瓢小不妨記得中秋好時節大家說餅進盤觴

煖炕

氤氲一榻置蕭齋火迫鄼侯笑口開昏夜至今多熱客雨雲從古屬陽臺
煖覺冰人夢不來知否清寒門外客繩床猶是盼春回

山隣涂爽亭孝廉工小兒醫園中暮鶴天豚皆所診視年九十二而卒賦詩哭之
昨日支筇訪薜蘿今宵墟下渺山河常迎康節花間至看活童鳥世上多屈指已成三世佛
傷心未唱百年歌他時倘有倉舒病難向人間覓華佗

周瑜墓

天生一將定三分才貌遭逢總出羣大母早能知國士小喬何幸嫁夫君能拋戎馬聽歌曲
未許蛟龍得雨雲千載墓門松柏冷東風猶自識將軍 旌旗指日控巴襄底事泉臺遽
束裝一戰已經燒漢賊九原應去告孫郎管蕭事業江山在終賈年華玉樹傷我有醅醪半
尊酒爲公惆悵奠斜陽

第二番桂

木犀開過小山房第二番花較勝常金粟似招前度客月宮真有返魂香不愁青女霜將白
只恐嫦娥額太黃寒菊在旁應笑語似儂遭際兩重陽

題板橋遺迹圖

有序

余春秋二十有七作宰金陵偕詩人朱草衣訪板橋遺迹苦其荒圯難稽垂四十年
矣今秋吾鄉吳小谷廣文來憑弔之餘屬揚州羅兩峯畫成此卷屬余加墨

西冷才子最多情聽雨秦淮鬢欲星尋得十三樓舊址教人收拾上丹青 荒烟一片館

娃宮往日笙歌此日風賴有范寬能寫影樓臺還在有無中 君來作別話依依返櫂秋

江一葉飛定向故鄉親友笑袖中攜得板橋歸

翟蕊登聽雪圖

凍雨飄山牕沙沙聲不止坐而聽者誰溫伯古雪子初聽若希微再聽雜宮徵空花墜欲鳴折竹啼復起分明寂萬籟轉足娛雙耳古來聖之清所得多在此試撞萬石鐘何如一溪水

揚州遊馬氏玲瓏山館感弔秋玉主人

山館玲瓏水石清邗江此處最知名橫陳圖史常千架供養文人過一生吾鄉屬太鴻陳經衣諸君皆主於其客散蘭亭碑尚在草荒金谷鳥空鳴我來難忍風前淚曾識當年顧阿瑛

題桃樹

二月春歸風雨天碧桃花下感流年殘紅尙有三千樹不及初開一朵鮮

做元遺山論詩

遺山論詩古今少余少今多兼懷人故也其所未見與雖見而胸中無所軒輊者俱付闕如

不相菲薄不相師公道持論我最知一代正宗才力薄望溪文集阮亭詩王新生逢天

寶亂離年妙詠香山長慶篇就使吳兒心木石也應一讀一纏綿吳梅村平生低首味和

堂字字珍珠夜有光可惜安陽魏公集竟將勛業掩文章高文良公不料昇平兩相公揮毫

冰雪滿心胸金盤玉露高華極轉覺嘗來味不濃張文端公他山書史腹便便每到吟

詩盡棄捐一味白描神活現畫中誰似李龍眠查他天風拂拂響雲和柳惲三生慧業

多最是淫思兼古意西湖堤上竹枝歌楊次西崖愛好風調佳魚魚雅雅典亦該懷清

堂集繼蠶尾似此公卿那得來湯

靈活唐堂真比稼堂工潘稼堂

一時沈范兩尚書沈子大

甘苦勝書生尹文端

原中晚佳黃莘田

加張南華 小雅才兼大雅才僧虔用典出新裁幽懷妙筆風人旨浙派如何學得來樊厲

樹周蘭坡 一縷清絲裊碧空半飛天外半隨風盤餐別有江瑤柱不在尋常食譜中金冬

氣猛才豪老尚堪施竹田梁守存 以外孰清談平心細按三千首一集終須重嶺南杭大

奴僕何妨直命騷風流從古有人豪自題集內謙謙語詩品官階兩不高商寶

跋浪是生平要與雲龍韓孟爭絕好東南飛孔雀一篇烈女李三行胡稚

苦吟白頭才許入詞林平生絕學都探遍第一詩功海樣深程魚

却隨園服蔣君絕似延平兩龍劍化為雙管鬪風雲蔣若生

微自一門何必參天說松柏幽蘭不礙小磁盆張漁村

推敲格調蒼不許神通破禪律遺山心早厭蘇黃王夢

井奇更有陸蠡風調好天能亡汝不亡詩王介社

嶺入蜀詩多近少陵揮盡俸金留底物白頭一盞讀書燈陸涇君

聯珠個個工想見高陽家法好一團清氣此門中慶兩峯

覽芳蘭自一生底事獨加皇甫序愛他絃外有餘聲初錢竹

莫將死句入詩中此訣傳來自放翁掃盡粗豪見

論詩竹素太拘拘苦守開元大歷初恰有唐音追到處

軍門夜靜有吟聲水碧金膏一樣清誰信牙旗八州督半生

酷嗜香田香草齋芬芳悱惻好風懷休嫌發洩英華盡唐代詩

搖筆何須手入又蘭坡速藻繼南華前生宿構今生寫王粲精思也莫

小雅才兼大雅才僧虔用典出新裁幽懷妙筆風人旨浙派如何學得來

一縷清絲裊碧空半飛天外半隨風盤餐別有江瑤柱不在尋常食譜中

以外孰清談平心細按三千首一集終須重嶺南

奴僕何妨直命騷風流從古有人豪自題集內謙謙語詩品官階兩不高

東髮悵悵便

跋浪是生平要與雲龍韓孟爭絕好東南飛孔雀一篇烈女李三行

雲松自負第三人除

却隨園服蔣君絕似延平兩龍劍化為雙管鬪風雲

漁村幼魯謝皆人淡遠清

微自一門何必參天說松柏幽蘭不礙小磁盆

彈絲吹竹譜宮商刻意

推敲格調蒼不許神通破禪律遺山心早厭蘇黃

柘坡古體衡帆律介社清華東

井奇更有陸蠡風調好天能亡汝不亡詩
嶺入蜀詩多近少陵揮盡俸金留底物白頭一盞讀書燈
聯珠個個工想見高陽家法好一團清氣此門中
覽芳蘭自一生底事獨加皇甫序愛他絃外有餘聲
絕世聰明崔蔡徒肯將簪綬

換江湖桃花一絕高僧偈看到紅雲盡處無

常州星象聚文昌洪顧孫楊各擅場

中有黃滔今李白看潮七古冠錢唐

小別隨園僅十年記來吟句總

如仙朝朝替誦仁王懺却火休燒宋笠田

鮑照聲名本不虛海門吟稿冠南徐

佳兒佳句吾尤愛書味清於水養魚

吾鄉近日數詩家我愛山舟與嶼沙妙絕

風人吳小谷萬行書對一瓶花

雙佩齋詩孰品題葑亭才調笏山齊青

鸞獨立瑤池雪不著人間半點泥

扁舟常自泊姑蘇樂園爭迎白岸趨今日應

劉都逝盡阮元瑜在覺身孤

皖江才調孰清新今有星村舊嘯村更喜

新安楚南子遺編堪與古人論

星樹星巖七字佳是儂提出好才華如

何一作風塵更一人零星考据家

香亭風味學家兄宋氏郊祁各性情此日嶺

南詩太守弓衣繡滿越王城

常把梅岑比竹橋一沉滄海一雲霄要知劍氣珠光

在班底終難壓百僚

白門從古詩人少今剩南園與古漁更喜閉門工覓句無

人解叩子雲居

天涯有客太誇痴錯把抄書當作詩抄到鍾嶸詩品日

該他知道性靈時

夫已

周蓉衣因論中未及其詩有陶胡奴拔刃之意乃補三首以箴之

周子高才迴不羣抽思竟有葛莊新
東風剪柳雖然巧不到天然不是春
幻出烟

柳萬種看先求紙上字平安黃庭初揚緣何貴寫到剛剛恰好難
從古風人各性情不

須一例拜先生曹剛左手與奴右同撥琵琶第一聲

小倉山房詩集卷二十七終

小倉山房詩集卷二十八

壬寅

錢唐袁枚子才

余七齡上學是康熙壬寅歲也今年又是壬寅矣感而有作

兩度壬寅意惘然七齡光景記從前
摳衣學見先生禮買紙初裁認字箋
從此蠹魚無飽日至今筆冢已齊肩
三朝老物誰陪我一盞書燈六十年

贈劉霞裳秀才約爲天台之遊

觥觥問字子雲家奕奕風神動絳紗
似汝瓊枝來立雪一時愁殺後堂花
能界烏絲寫

洛神解吟紅豆學西崑靈和殿裏風
流樹曾惹蕭郎一斷魂未免多情枉
費才狎遊頗

被里人猜須知玉貌張雕武終向儒
林傳上來老我頽唐色界天熏香傳
粉憶當年自

憐一往情深處也是楞嚴十種仙
空山豈是少年場偶置花前酒一觴
多謝嚴陶兩公

子替他代饋束修羊余進怡園
屢惠珍羞負笈從師意頗殷
向禽心願許平分天台倫共劉郎去

定有桃花認得君

宿溧陽史少司馬紅泉書屋二十四韻
公諱萃昂

小住紅泉館分明綠野堂姻家新里第
夫子舊宮牆拔地烟巒起盈階蘭芷香
半空開月榭

曲徑置風廊叢桂黃雲滿修篁碧玉涼
標題多翰墨照耀盡天章屏列花爲障
橋橫石作

梁相公會結構司馬更裁量瑞室堪成
頌龍門孰敢望我來春正好公喜遠迎
將面目爭先

認鬚眉各老蒼卅年如頃刻萬事感滄
桑何幸絲蘿託兼夸宅相良外孫生
纔八日諸郎都好我排

日各持觴酒器三江俸圖書七寶裝
銀杯
鐫兩江清俸
架成當官談舊政餘事問家常作楷爭

磨墨題箋屢啟箱更深僮半睡坐久夜全忘鳳蠟燒方熾驪歌唱又忙衰年心耿耿後會事茫茫門外帆將挂閨中話正長女兒留阿父一日抵千霜

謁史文靖公墓

手供蘋蘩當東修先登華屋後山邱九原尙想師隨會一疏曾經識馬周蓋代勳華雲影在滿堂絲竹水聲愁知公泉下猶憐我如此英年也白頭

英公爲己未館師乍見喜曰如此英年命擬奏疏一通爲第一

題史氏家藏文靖公玉堂歸娶圖

相公歸娶大羅天此事依稀八十年賴有丹青作圖畫榮華留與世間傳想見宮花插

滿頭珠簾十里下揚州少年恃有天人貌不控香車控紫騮

卷中諸老盡題詩

謂徐蔭光郭元舒諸先生讀罷風前有所思六部尙書八州督爾時花燭可先知愧作彭宣拜後堂

絕無衣鉢繼安昌算來只有歸迎事會學黃梁夢一場

枚乞假歸娶時公爲代奏

過陽羨家舒亭明府外出留詩贈之

陽羨停舟暮吾宗出未回絃歌聽雅化公子見清才宴用家人禮花同笑口開氍毹空燦爛

不見舞人來

是日演劇未果

訪宗人府丞儲梅夫同年不值

同詠霓裳五十年渡江親訪老神仙九州細數無多客一見誰知竟少緣寂寂琴書通德里匆匆行李夕陽天晨星碩果相思切說與郎君倍黯然

周孝侯斬蛟臺

父老談惡蛟將軍磨寶刀刀光入水人不見格鬪三日風蕭蕭手提蛟頭拔浪起蛟血淋漓

紅滿體兩患雖除一患存擲刀從此讀書矣初師陸士龍再討齊萬年一時文武才非公誰兼全孤軍陷入窮邊慘杖節掀髯死無憾可惜朱雲請劍遲佞臣不與蛟同斬鄉人高築土一邱至今盛夏涼如秋五百毒龍過此愁猶恐將軍在上頭

孝侯射虎處

英雄得自由一身射虎如射牛英雄受束縛五千壯士同一哭我生跳盪如雷顛過此不覺心惛惛三十三年棄綦組從此入山不畏虎

寓西湖漱石居戲作

十幅蒲帆兩笋鞋要從湖上走天台譬如千里尋師去先訪家鄉舊雨來

坐葛嶺石橋觀新開峭壁

西湖少峭壁平遠皆一狀只有葛嶺峯前年纔闢創遠削鐵稜稜近捫天蕩蕩橫將一重橋架以三疊浪不許生猿登但容飛鳥傍其上起樓臺空濛迷觀望其下走盤渦湖光同滉漾明明千萬山到此低頭讓人難攀作梯我且懸爲帳月夜抱白雲同眠此橋上

偕楊君廷三冒雨遊三生石車欄折矣縛接松柴而歸

遊山爲雨阻未免爲山嘲勇哉楊夫子冒雨來相招爲言三生石新得峯巒好何不當奇書同往作搜討一重復一重怪石果穹隆如將胸塊壘替我安空中歸來走陂陀忽爾折車脚客歌花緩緩鳥啼泥滑滑與夫無計施縛以松樹枝路人笑且疑樵叟乘車歸

余生東園大樹巷中周睟遷居今六十五年矣重過其地

六十衰翁此處生重來屋宇變柴荆想同買德尋隣叟誰復婆留喚乳名蓬矢挂時桑已盡

兒裙滿處水猶清斜陽影裏千回步老淚淋浪獨自傾

海甯陳氏安瀾園席上作

鳥歌花笑有

百畝池塘十畝花擎天老樹綠槎枒調羹梅也如松古想見三朝宰相家

福地鄉媛主亦佳留賓

餘懽新得 君王駐蹕看分付窗前萬竿竹年年替海報平安

兩度午筵開逢逢海上潮聲起還道催花羯鼓來

渡錢塘江無舟蒙查耕經廣文讓舟自言曾讀袁太史稿故也感謝一律

天涯乍作通名客江上同爲未渡身一隻孝廉船肯讓三更燈火話尤親故鄉有意推前輩
當路無心據要津他日瀛洲三島路期君還作後來人

登鑑湖快閣弔主人任處泉先生

三面雲山一閣收昔賢於此築菴裘中年解組尋丹壑半世看花到白頭賀監高風誰得似
羲之樂死又何求我來爲踐前時約尙恨遲來二十秋

詩見第六卷

過剡溪水急舟不能上

看山不嫌複看水不嫌曲剡溪百里中兩景皆到目烏篷船小沙石橫當時訪戴難爲行想
見風流王子敬青天月照烏衣明我來正值春潮起白浪滔滔打船尾繚斷桅崩行不前一
溪深愁沒溪底水哉水哉聽我言人生且住爲佳耳到海分明會有期問君何苦狂如此

將近蒿壩望烟村中有瓦屋數間欣然慕之

有溪有竹有桑麻隱隱烟村澹澹花瓦屋幾間田幾畝幾生修到那人家

嵎縣坐廟石上遇舊僕琴書